

Märzeshiesse

I üsere heile Wäut, da wo me die Schprach no schnurret wo fasch achzg Prozänt vo de Eidgenosse meine äs sig die schönschti, git's no Traditione!

Eini vo dene Traditione isch ds Märzeshiesse.

Füürab macht me das mit em ne Charscht, mit ar e Blache am Bode no haub im Schnee. Mi päffzgeret uf e ne Fuferschibe..... Päng! Päng!

We de die roti Fähdlicheuwe nümme wot höre plampe, de het me de ä Musche gschosse.

Im März hei mir o gschosse... im Chäuer vo dr schtube Hütte. Mit em Ruumer si mir ume gschosse, use gschosse hei mir auues was üser Gschpane färn, vorfärn u vorvorfärn eso vertromet hei.

Am Zwaschpli (alias Chöubu) hei mir dr Hübu nöi plättlet (neue Ventile eingebaut). Am Zaagi (alias Plöiiu) nöii Schmierig gäh u nid ds letscht hei mir am Schtampfi (alias Wäuä) d'inkontinänz gnoh.

Fei e Sach isch das gsi. Dörfig si äs haudotze Giele vo dr Kompigruppe dra.

Ds Ghütt vo de Gschpane vonenanger näh, Vüntiu verchnüble. Mit em Schtampfi ä chli schnure u däm dür ds Guggernälli d'Dichtig usegrüble u ds letscht am Zaagi ds Züüg no ä chli düreputze, esoo das es ihm nid gergelet.

Hin u här si die Manne gsecklet. Dr eint isch mit dr Bütti ga Charesaubi achewäsche, dr anger het öppis ar Entlüftig umegfiguretlet. No Anger hei derwyle d'Ussefüuschtation inschpiziert.

Dir gseht, äs isch auso auues gmacht worde, eso das die drei Beschte vo üsem Klub ir Färni nid müesse darbe.

Ig fröiie mi scho uf ds nächschte Jahr, we auui wo die drei kenne u bruuche mit ere buuchete Fläsche i d Kontroue chöme, de wüsse mir, si heis guet gmacht, Chöubu Zyli u Plöiiu.

Guet gmacht hei's o d'Giele vor Kompigruppe, merci oder wie seit me hüt?
Cool Digga.....

D Morau vo däm Jahr.....

Guggagi Cheibe git's gnue uf dere Wäut vo schiesse, o im März, leider ☺

Dr Kompewart im 8zähni